

أحسن حاجة فى الدنيا .. وبعد كده تيجى تضربنى قلمين ..
بعد كل اللى أنا عملته لك .. شوف أنا عملت أيه مع أمى
علشانك .. شوف أنا استحملك أزاى .. شوف أنا تعذبت
أزاى .. وبعدين تيجى تضربنى قلمين .. وكان أيدك اللى فيها
القلم .. مش يجوز أن القلم كان يجى فى عينى .. كانت مصيبة ..
وياشمانة الناس .. يا شمانية أهلى كلهم .. وتبقى عين وصابت
عينى .. مش تخلى لى حاجة .. لا .. لازم أبقي عيانه وكان
عينى تضربها بالقلم .. علشان ما ييقاش حيلتى حاجة زى الناس
أبدا .. وأنت ولا همك .. طبعا تقوم تاكل .. وبعدين تنام ..
وتقوم كأن ما فيش حاجة فى الدنيا حصلت وأفضل أضرب
دماغى فى الحيط وأنت ولا هنا .. طب وعلشان أيه العذاب ده
كله .. ما بلاش ..

هو : بلاش ...

هى : أنت عارف أنا هقول أيه . ؟

هو : عارف ..

هى : وبسهولة كده .. يعنى أنت مش قادر تستحملنى آمال
أنا أستحملتك أزاى .. وكان بتقولها .. وهو أنا اللى ضربتك على
أيدك .. مش أنت اللى عايز نتجوز وبعدين دلوقت تقول
ما بلاش .. طبعا دلوقت تقول بلاش .. بعد أيه ؟ ..